





[Der Stad Leipziger
allesley Ordnunge]



PK
70



34.5.

Newer Zeitung wie es
mit Key. May. Kriegsvolck
in Franckreich wider den
Franzosen zu
stehet.

1 5 4 4

Steine
in
Stansdorf
1744



Nach vorlangest der eröbe-
rung Lützelburg / ist der Vice
Koy/Grass Wilhelm von Für-
stenbergk / Herr Johan Hils-
lichen / vnd Herr Conrad von
Bembelburck / mit den Deudschen vnd Spa-
nischen zu Ross vnd Kriegsvolck / den nech-
sten auff Camersi vnd forder nach Lünigen
gezogen/diese beide Schlos vnd Stete / wie-
wol Lünigen zimlich beschossen worden/hab-
ben sich in Key. May. gnad vnd vngnad er-
geben / Vnd als Lünigen sich zu ergeben im
werck gewesen/ seind die Deudschen Knechte
angefallen/erobert vnd geplündert.

Von dannen berürt Kriegsvolck / vor
Sendisi gerückt/jr leger alda geschlagē/ist die
Key. May. mit dem andern ihrem Kriegs-
volck zu Ross vñ fufs / nemlich mein gnediger
Herr Herzog Moritz zu Sachssen zc. Marg-
graff Albrecht von Brandenburg/sampt den
16. Oberlendischen/desgleichen des Prinzen
Niderlendischen 20. Fenlin knechten vnd den
neuen angezogen Spaniern/der bis in fünfft
halb tausent sein sollen / in wenig tagen dar-
nach des orts auch an komen/haben jre May.

A ij sonder

Sonder verzügligkeit etlich tag vnd nacht heff-
tig in die Stat schiessen lassen. Vnd wiewol
ire May. beschlossen gehabt / jüngst vergan-
gen Dinstags nach Margarete bemelte Stat
zustörmen lassen / so habē doch etlich mutwil-
lige Spanier / vielleicht vmb gewinnender
beut willen / der verordneten stundē nicht er-
wartet / sondern viel zu zeitlich angelauffen /
denen die Deudschen / vngeachtet / das sie aller
dinge noch nicht bereit vnd gefast gewest / vnd
auff solche verglichene stunde achtung gege-
ben / eilends nachgefolgt / vnd mit einander zu
gleich tapffer vñ hart bis in die vierde stunde
gestürmet / Sie seind aber / nach dem berür-
te Stat sehre feste auch mit gutemgeübtem
Kriegsvolck vnd notdürfftigem geschütz bes-
setzt vnd versehen / dauon abgetrieben / vnd
beider seits durch das geschütz / welchs ge-
schwinde angangē / zimlich beschedigt worden

Vnd hat den tag zuuor der Prinz von
Armenien sich in der schantz etwas blos gege-
ben / vnd einen Büchschuss empfangen /
Daran er folgendes tages in Got verschieden.
So ist Graff Zitel Fritz von Zorn / am sturm
ein schenckel abgeschossen / vnd dauon auch
gestorben.

Desselben

Desselben tages Key. May. kundtschafft
gehabt/wieder Herzog von Gisy zc. von we-
gen des Königs vñ Francreich/mit zweytau-
sent Pferden vnd etlichem Fußvolck auff den
beynen vñ willens were / Sendisi zustercken/
zu vitaliren vñ jrer May. die zuführende Pro-
uiant abzustricken.

Derwegen jre May. mein G. H. Herzog
Moritzen/vnd Herr Johan Hillichen auffer-
legt/mit jren geschwadern Keuttern / in der
nacht auff zu sein /nach Bare vnd S. Michel
(dem von Lotringē zugehörig) zu ziehen/ auff
desselben Herzogen von Gisy / vorhabē gute
achtung zu geben/vnd im fall da er sich des vn-
terstehen würde/mit der that abzuwenden.

Als aber sie der ende vñ gegenheit erschienē/
habē sie niemands von des Franzosen kriegs
volck antroffen/mit denen sie zu handstreichē
hätten kōmen mügen / Darumb Key. May.
Herzog Moritzen nach etlichen verlauffenen
tagen/widerumb anhere ins Leger erfordert
vnd Herrn Johan Hillichen mit seinen Keutz-
tern alda verziehen lassen.

Aber jzt gedachter Herzog Moritz ist im
N in wider

widerzuge/zwischē S. Michel vñ Bare/auff
der Franzosen schlag / auch in kundschafft ko-
men / das ihrer bis in fünffzehen hundert ges-
wesen / die sein Fürstlich gnaden nicht antref-
fen mügen.

Vnd nach dem sein f. G. wider im Leger
erschienen/Key. May. berürts streuffs halbē
relation gethan/ist die selbe danebē sunderlich
bericht worden/wie die Französischen / in ei-
ner Stat Vitriol genant / vnd einem Dorff
dabey ligen / ihrer May. vnd derselben
Kriegsvolck / die Prouiant verhindern / zu
dem auch befehl haben solten / die Stat mit
etlichem Kriegsvolck zuersetzen / hat Key.
May. des andern tages / nach gedachtem
Herzog Morizen / vnd dem Marggraffen
von Brandenburgē gesand / vnd nach gehal-
tenem statlichē Rath vor gut befunden / das
sich beyde ire f. G. mit iren Reuttern/sampt
Francisco de Aste dem jüngern Herzogen von
Ferrer/mit Sechshundert geringen Pferden
auch Graff Wilhelm von Fürstenbergē zehen
vnd Herren Conraden von Bembelburgē /
Sechs fenlin Knechten vñ etlichem geschütz
des ortes verfügen vnd versuchen solten / Ob
sie die Französischen vberfallen / vnd besche-
digen

ff
de
es
fo
digē möchtē / mit dieser verordnung / das Herzog Moritz mit bemelten zu verordenten / des von Ferrers leichtē Pferden / auff der rechten seiten zu der Stat / seinen zug nemen solten.

Und wie Herzog Moritz die ganze nacht gezogen / vnd mit dem einen seinem schützen Fenlin / vnd den Welschen Reuttern / sich nicht geseumt / hat seine f. G. erwartet / erstlich einen / vnd baldt darnach den andern französische Pawern gefangen / sie zum höchsten gefraget / vnd bedrawet / die rechte warheit zu bekennen / Die haben gleichstimmig ausgesaget / wie etliche Reifige bis in vierhundert Pferde / nahent in einem Dorff / Desgleichen auch in der Stat Vitril zweytausent zu fuß / vnd dreyhundert Pferde / zu denen in der frue noch vierhundert komen / vorhanden weren / welchs sich dermassen befunden.

Und als Herzog Moritz mit den leichten Pferden vnd seinem schützen Fenlin im Dorff an die feinde kome / habe die feinde das Dorff / auch habe vnd gut verlassen / sich abflüchtig gemacht / seind die Welschen leichten Pferde / ins Dorff gefallen / dasselbe geplündert / vnd irer vber anderthalb hundert Pferde nicht blieben

blieben / mit denen vnd seinem schützen Fenlin
er für vnd für / den Feinden angehangen.

Dieweil aber die Feinde / zu sampt denen in
der Stat / welche sich zu Ross vnd fufs heuff-
fig heraus zu jnen versamleten / vermerckt /
das sie stercker / denn die Herzog Moritzen /
nach dem sein f. G. beide geschwader sampt
dem andern schützen Fenlin / nicht bey jnen
waren / haben sich die Feinde gewand / Auch
feck zur gegenwehre gestalt / vnd Herzog
Moritzen wider abgetriben / das sein f. G.
mit den jren auff einen Bergk in vorteil weis-
chen müssen. In des sich das glücke zugetragen /
das das ander seiner f. G. schützen Fenlin /
sampt den zweyen Spiesser Fenlin / mit zu-
massen vnd jnen zu hülf kommen / mit denen sein
f. G. weil die Feindt nach einem grundt zu
ziehen vorhatten / vmb den bergk nach einem
Weingarten (darinnen sie sich mit schwerheit
dardurch gearbeitet) den Feinden fürgezog-
gen / vnd sie solcher gestalt genotdrenget / Ob
sie wol / wie gehört / viel stercker gewesen / das
sie mehr nach der flucht / denn eine schlacht zu
lifern getracht / vnd nach einem Dorff vnd
vberfart eines Wassers getracht / denen / vnz
angesehen das sie sich vmb beschützung vnd
weg

wegbringung willen ires Fußvolcks / zum
Öfftern gewant / mehr gedachter Hertzog Mo-
ritz mit beiden Schützen Fenlin vñ den andern
halbhundert geringen pferden nachgefolget /
vnd so viel menschlich vnd möglich gewest /
dapfern widerstandt vnd abbruch gethan.

Nach dem sich aber die Feinde zu Ross vnd
Fuß zu hauff versamlet / haben sie das Fuß-
volck gleich am Dorff in einen hauffen veror-
dent / vnd aus iren Reisigen / drey hauffen ge-
macht / vnd den einen / welcher fast so starck als
die andern beide gewesen sein mag / zu hin-
derst gelassen / demselben obgedachten zwey
hundert pferde angehangen / hat mein G. H.
Hertzog Moritz ein wenig verzogen / bis sich
seiner f. G. fordersten Spiesser aus den
Weinbergen gearbeitet / vñ darauff mit denen
in die Feinde getroffen / vnd als solchs besche-
hen / haben sie sich in die flucht gegeben / vnd ir
Fußvolck zertrent / welche man durchs Dorf
vnd einen engen weg / bis ans wasser nach ge-
iagt / daselbst viel erstochen / ein grosse anzahl
ins Wasser / die ertruncken sein / genotdrenget.

Vnd was aus dem weg gelauffen / das den
gut Kriegsleut gewesen / haben ein Kirchen
B einge-

eingekomen/darein bis in vierhundert kómen/
die sich hefftig gewehret/vñ wiewol Herzog
Moritz / zu zweien malen zu inen geschickt/
mit beger sich in Key. May. gnad vnd vns
gnad zu ergeben/in vertröstung/ sie durch vor
bit beim leben zu erhalten/haben sie sich dessel
ben gewidert / vnd nach den gesanten / oder
aufforderern geschossen/vñ sich zur wehre ge
stelt / das man fünff Fenlin Knecht vnd zwo
Büchsen / dauor hat holen müssen / vnd ist
Graff Wilhelm daselbst geschossen / vnd Dis
tril eingekómē worden. Als aber etlich schüßs
in die Kirchen geschehen/vñ feuer darein ge
worffen / haben sie sich lezlich gegeben / die
man nicht annemen wóllen/sondern sie alle er
stochen. Darunter ein ansehnlicher Haupt
man /aus der Insel Corsica/welcher dem Kó
nige von Frankreich vor andern sonderlich
anmutig vnd lieb gewesen/vmbkómen ist/vnd
sind auff disen tag/der feinde bis in zwey taus
sent erschlagen/ ersoffen / gefangen/ vnd zwey
Reutter vnd fünff Fußknecht Fenlin gewon
nen / vnd auff Herzog Moritzen seiten / gar
wenig beschedigt/vnd tod geblieben.

Der ganzen ungezweifelten hoffnung / das
dieser sieg/Key. May. ein guten eingang/vnd
dem

dem Franzosen ein schrecken machen solle.

Dieweil den/wie oben bemelt/der sturm als
hier vor Sandesir misraten vñ entstanden /
hat Key. Mai. verordent/das man von newē
vñ etwas neher geschantz / auch die wehle vñ
Mauern vntergrebet / in meinung dieselben
kürzlich zu sprengen / vnd folgends nach ge-
nugsamenem beschiessen/mehr denn an einem
ort stürmen zu lassen.

Der Almechtige Gott wölle gnade vñ glück
verleihen / das diese Stat zum ersten erobert
werde.

Geschrieben im feldlager vor Sandesir den
28. tag Julij / Anno . 15 4 4.

[Ne. 123 Rev.]

Faint, illegible text at the top of the page.

Several lines of faint, illegible text in the upper middle section.

Another block of faint, illegible text in the middle section.

A final block of faint, illegible text near the bottom of the page.



Handwritten text in cursive script, possibly a signature or a name, located at the top of the page. The text is written in dark ink on aged, yellowed paper. The script is highly stylized and difficult to decipher, but appears to consist of several lines of connected letters. There are some dark spots and stains on the paper around the text.

Pom Nyc 5247

ULB Halle

3

004 974 859



TA → OL

f







34.5

Neue Zeitung wie es
mit Key. May. Kriegsvolck
in Frankreich wider den
Frankosen zu
stehet.

1 5 4 4

